



977823

對影閒吟草卷三

階前牡丹偶發兩花喜而有感

國朝書畫印

不憚勞

不憚勞

意懶心閒早退衙階前曾種牡丹芽官清那怕貧如洗  
今日新開富貴花

從無解語共親陪又見朱顏笑口開自古名花愛名士  
老夫不是謫仙才

天香國色逗繁柯幾惹遊人照眼波今日胭脂聊少買  
好花兩朵正無多

魏紫姚黃不厭全如何兩朵使人憐花神示我居官數  
對影閒吟草卷三

富貴場中二十年暇回兩朵對人憐蘇軾示

和韻

周光燾

可愛春光滿柳衙牡丹新放筍抽芽今朝富貴誰堪共  
惟有階前解語花

為看名花笑語陪喜他半放不全開生成豔麗無雙色  
也似詩人有別才

名花嬌豔似瓊柯帶露微開起嫩波綠竹叢中紅兩朵  
本來色好不須多

花名富貴本雙全醉臉迎人堪愛憐兩朵竝開如有意

羨君福祿是年年

窗上糊紗戲成

尤毓琳

敢將紗帳比名師窗紙聊爲換色絲昔用籠詩今補牖

牖中日日詠新詩

窗明几淨小神仙翳障無庸在我前從此雲霄常不隔  
疎櫺瞥眼見青天

和韻

裘寶善

喜隔輕紗望雨師玲瓏細密散垂絲當窗得句書殘紙  
掩映微籠似護詩

對影閒吟

卷三

二

薄薄紗籠洞裏仙目空一世望無前疎櫺密織如蛛網  
不用推窗月借天

觀書易睡

裘寶善

書爲引困媒開卷無多篇句清澈秋水心淨安初禪匡  
牀就簟枕漸到邯鄲邊童僕戒出入恐驚堂上眠豈知  
觀詩眼魚目如珠圓搜奇古碎錦萬選青銅錢賞心神  
入妙妙理皆真筌好景如親到造形來吾前古人雖未  
睹面目想當然李杜與歐蘇渾忘皆前賢一堂恍晤對  
羣雅來後先徐徐入幻境離魂去雲天漸拋書墜面撒

手握空拳似睡如不睡一枕小遊仙風簾押敲醒吟韻  
琴無絃起視無一客我與我周旋

和作

尤毓琳

觀書眼如月用成句月不能常圓觀書心如鏡鏡有時遮

匳書內微妙理伊誰探真筌譬如廣陵散古調無人彈  
將欲問古人古人千百年將欲待後人後人誰達權縱  
或得糟粕豈卽爲真傳我欲生太古太古來我前我欲  
謁前哲恍惚來聖賢敢謂聖賢侶原有三生緣幸逢南  
華叟爲我多周旋達觀悟秋水蝴蝶飛翩翩宛然上下  
對影閱吟草

卷三

三

察神妙同魚鳶鐘鳴夢忽覺此眠非空眠回想益惆悵  
古人終渺然惟餘光明鏡虛堂如月懸

春暮偶成

董謙

人間遊戲莫怱怱最好韶光二月中多雨只爲芳草碧  
夕陽亦愛牡丹紅垂楊搖曳千秋院畫閣呢喃燕子風  
到處絮飛如雪白可留爪跡印歸鴻

和韻

裘寶善

韶光似水去怱怱一往情懷想像中詩集常邀新月白  
雲開願見夕陽紅關心幾點梨花雨吹面時來柳絮風

梓里未歸春又暮家書日日盼飛鴻

和韻

尤毓琳

勾芒行色漸怱怱九十韶華一瞬中青草池塘春雨翠  
綠楊城郭小樓紅嵐濃山氣烘晴日水煖波紋蕩曉風  
天末懷人書未至頻攜童冠望征鴻

上房階前月季花盛開戲題

裴寶善

早起憐花減睡工嬌容開落太匆匆天公也恨羣芳速  
故遣朱顏月月紅

衣香紅袖到階前人面花姿兩混連小立低頭暗偷比  
對影因吟草

卷三

四

果然顏色屬他鮮

賞花容易養花難丁字簾前亞字欄遙憶嫦娥同愛惜  
累他一月一回看

曉妝燕語過窗南驚醒探花蝶夢酣囑與侍兒輕折取  
蝶花齊上美人簪

和韻

尤毓琳

迎梅鬪菊奪天工桃李無言拜下風始信人間春不老  
一番告朔一番紅

月恒日日祝堂前每羨榮光紫綬連誰似此花華美足

窗南四季鬪紅鮮

羣英不必歎才難  
逐月奇葩映畫欄  
倘與階蓂同秀發  
蘭孫也傍綺雲看

無分冀北與江南  
兩地新紅酒共酣  
獻向萱堂花較小

居然月月上華簪

時小華政耶同  
年榮任秋曹

月季花

張汝諧

枝枝掩映翠屏隈  
別有清香助酒杯  
一月花開紅一度  
不知春去與春來

和韻  
花在學署

裘寶善

對影閑吟草

卷三

五

清香頗放泮池隈  
紅友留賓酒一杯  
愛煞素娥不愛桂  
簪花一月一回來

和韻

周光燾

勝春花發竹林隈  
紅映窗前可舉杯  
更喜四時開不絕  
恍如月課各生來

和韻

尤毓琳

藻芹掩映紫雲隈  
載酒煩君勸幾杯  
我坐春風纔一月  
春風月月送花來

送春

裘寶善

九十韶光盡年華觸客愁花殘三月底春到十分頭路  
錢塵飛馬驪歌笛倚樓悠悠江上水有語付東流  
幾著遊春屐今偏送別難柳烟鞭影淡花雨淚痕酸綠  
遠肥添黛紅飛瘦倚欄無言獨惆悵天際每頻看

和韻

周光燾

春色珊瑚去頻增幾許愁離情三徑外殘夢五更頭花  
落隨流水魂銷別畫樓東郊聊祖餞往事憶觴流  
正喜春光好怱怱別覺難蝶癡花影戀人倦鳥聲酸客  
路迷芳草長亭繞曲欄來年欣有約妙景可重看

對影閣吟草

卷三

六

和韻

董謙

春晚多淫雨因花每日愁迎會開笑口送亦展眉頭秀  
野稀遊客明妝莫上樓宮私蛙兩部祖道也風流  
春風自來去不識別離難黃鳥聲聲喚青梅箇箇酸花  
神爭扈蹕瘦客獨憑欄贈別留芳草愁吟不忍看

和韻

尤毓琳

曉鐘會到未到便惹離愁好鳥歌驪曲殘花戀馬頭一  
鞭揮綠柳三月住紅樓莫灑多情淚春同水共流  
會接東皇駕旋忘道路難如何花事盡又聽雨聲酸小

住憐香國輕裝映畫欄綠肥春去矣也作送人看

和韻

張汝諧

報道春歸也頻增客子愁斜陽芳草裏尊酒楚江頭離  
緒憑高閣凝妝憶舊樓曉鐘敲欲盡花事逐波流  
就使迎來易將離尚覺難胡教經歲隔轉速別心酸楊  
柳依依路醪醑曲曲欄陽生逢有日記取杜詩看

大雨偶成

周光燾

淫雨無端總不休瀰瀰野水滿池頭漫天雲壓當門暗  
添得農家多少愁

對影閉吟草

卷三

七

炊烟不出屋檐頭屋外飛泉響未休啼鳥亦知淋瀝苦  
隔林不住叫鞦韆

和韻

裘寶善

連宵靈雨嘆無休急煞當官老白頭過少過多皆我過  
萬人竝作一人愁

淋漓半月總無頭忽又傾盆響不休皺斷眉根心欲碎  
愁腸萬轉似推鞦

和韻

張汝諧

新詩一唱雨旋休應是神龍達上頭今日晴和民喜悅

萬人歡慰一人愁

老農挑菜上街頭刺刺常談少罷休聞說使君詩一首  
紅輪喚出日如輪

大雨快晴

裘寶善

曉起欣聞鳩婦呼新晴再賦筆頭奴吹開陰氣千層暗  
普照陽光萬姓蘇柳線垂隄連苻帶麥芒蘸水誤蝦鬚  
不須十雨才爲瑞且喜浮雲一點無

雨後作

裘寶善

造化渺無痕風雷忽旋轉滿眼雜陰陽何曾天道遠大

對影閣吟草

卷三

八

塊有文章幾入青錢選紅日落霞明青松新月偃作勢  
鼓層雲波瀾疊深淺草木堆錦繡山川羅墳典大筆何  
淋漓龍蛇走蜿蜒花樣與時宜清新非敷衍珠玉列文  
昌天門多貴顯千古定文衡此是第一卷

和作

尤毓琳

燮理陰陽才必乘風雲際誰料造化工早與此默契雷  
雨從天來隨風瀉平地潤物物勃生旋復放晴霽方當  
炎蒸時欲雨久作勢蛟龍驅虹霓宛挾鬼神至雨澤猶  
臣鄰天日比皇帝贊襄聖明君養育及萬類禾茂膏澤

濃年豐休祥萃隨意轉乾坤無邊大經濟

書團扇贈評雅

裘寶善

素羅巧製出良工曾記當年畫放翁他日相思如滿月  
與君兩袖有清風

和韻答謝

尤毓琳

新裂齊紈巧樣工一時題詠重詩翁扇揚德意盈懷袖  
月月胸前有惠風

落日照大旗

得蕭字五言八韻  
四首不重韻

裘寶善

指日何曾落牙旗豎大招紅騰營處處影照馬蕭蕭晚

對影閨吟草

卷三

九

靄雲開展森嚴令寂寥暮烟橫數丈壯志閃層霄帶色  
翻金甲鈴聲動斗刁飛揚明陣角起滅射山腰鴉背餘  
光斂竿頭銳氣標吹笳催月上帥字尚飄搖

日對營門落平沙草木蕭千軍殘照映一帥大旗飄冷  
指西山遠寒生北塞遙明霞搖戰鼓色布捲征鑣帳白  
雲連影袍紅火趁燒三霄留片晷百尺射長條怒氣凝  
餘靄威風靜不囂攻心重有令皓月又清宵

欲落西山日紅光照懋昭軍威旗影大人靜角聲蕭遠  
閃連烽火高寒逼斗杓烏輪騰上下帥字寫肥饒望氣

思穿札懸空看射鵬四圍招虎變萬馬耀龍跳令肅風  
無定雲愁酒不澆哀笳齊颺起主將問嫖姚

大帥標嚴令斜陽落未消旗形裁月樣日色照風蕭遠  
映平沙闊高撐古木凋寬分鴉背直雄振馬蹄驕百尺

寒翻角千軍怒捲潮營威明細柳冠影射華貂

軍裝冠  
纓多用

貂尾抹靄三霄迴橫烟萬首翹紅塵飛一驥凱捷報當朝

和韻

尤毓琳

何日紅旗報斜陽閃閃招落霞烘影壯大旆響聲蕭明  
滅曠黃草尖义射碧寥軍容騰返照殺氣捲晴霄萬隊  
齊揚幟連營衛繫刀戰雲摩帳頂帥字挂虹腰蛇陣隨  
心轉龍泉亂眼標受降城外望映月趁風搖

日落三軍壯旗高萬馬蕭大纜知帥貴涼欲借風飄夕  
照銜山晚威聲動地遙晴輝搖畫戟怒氣震華鑣捲霧  
長竿聳拖烟萬竈燒陣雲裁十幅霞彩射千條晷短斜  
翻影師嚴鬪戒囂柝音相續起燈火警長宵

旗大搖雲動軍門日色昭明霞垂落寔殘照起飄蕭閃  
灼升開帳回旋斗轉杓令嚴雄陣擺風蕩暮烟饒躍馬  
威騰虎翻弓怒逐鷗餘暉隨旆舞小醜笑梁跳柳綠營

對影閣吟草

卷三

十

同裏油青幕似澆班師移左燾勲業邁陶姚

日月旌旗照將軍髀肉消天低雲慘澹風大響清蕭烟  
直山霞晚鈴搖塞草凋殺聲驚鼓動怒氣捲霜驕勢遠  
戈揮魯威揚弩射潮軍圍邊外馬戎總侍中貂低映紅  
雲捧高挑赤羽翹畫來龍虎樣奮武壯 皇朝

書院月課生文頗佳恐多錄舊詩以勉之

裴寶善

文似看山那喜平憐才脫穎望毛生畏難不敢輕心掉  
過好翻疑老眼驚竿一一吹終改調雷同同響笑虛聲

對影閣吟草

卷三

七

蟻珠果出探驪手時有邦家玉桂擎

時邦柱文頗精  
警余願擬榜首

和韻

張汝諧

持衡太守最公平願致同門盡魯生甘苦箇中曾早得  
文章座上幾回驚但教家自成機杼莫使人嗤偷鶴聲  
爭勝八行時所尚看來蟾桂眼前擎

刺史謂時卷前  
八行尤精警

和韻

尤毓琳

本欲文章佐太平綠何牙慧拾先生英才今古同心賞  
花樣新奇拍案驚萬里重飛鷗鵬翻九霄早奏鳳鸞聲  
點頭翻笑朱衣誤華彩添時翠蓋擎

本以朱卷擬首  
華翁謂時卷出自

心裁故改  
時卷爲首

漫興

裘寶善

客中誰架校書牀况值多艱似沸湯度世偏驚添戰壘  
感時倍易念家鄉才非可用原堪隱詩縱能吟那敢狂  
幸有知交同索句推敲仔細好相商

和韻

張汝諧

連朝風雨悵連牀茗碗新晴好袁湯花不知名遍翻譜  
人能友善始稱鄉窮途雅自饒詩興往古歌惟一楚狂  
敢托淵明期物外消閒且各奏宮商

對影明吟草

卷二

三

和韻

尤毓琳

兩月初看月到牀

時久陰  
雨初晴

澆胸賴有好茶湯心當晴日

猶疑雨夢偶成時便返鄉花豔偏同紅粉醉人閒反笑

白雲狂近依珠玉慚形穢謬彼言詩託卜商

時有自命  
爲詩伯者

感懷

裘寶善

梓里歸何日居然白髮侵英雄三尺劍隱士七絃琴望  
月頻搔首詳刑每問心功名真誤我畱滯到如今  
風雨三間屋昂藏七尺軀壯心消日月晚景逼桑榆經  
濟多談客科名誤腐儒澆愁惟賴酒煩對細腰壺

生人皆有業我獨戴儒冠敢謂讀書誤偏逢行路難聲  
華頃刻險貧賤夢魂安寄語求名者休傷未得官

吾道難行久幽棲飲讓泉心空如竹直語少似珠圓遇  
事須畱地推情可對天違時非矯俗曾不受人憐

代謝看衰盛烽烟誤半生干戈縱天意敗壞亦人情耕  
鑿忘安樂流離想太平循環由否泰何日得休兵

強笑言盈耳知心少二三駿兒空冀北單父宰淮南亂  
世如羅雀邪人似繭蠶何時家可食藜藿也嘗甘

和韻

董謙

對影陽吟草

卷三

三

地似康成里黃巾不敢侵野人行佩犢太守坐鳴琴慷  
慨澄清志蒼黔向化心感懷休慘切舊歲不如今

濠上留茅屋屏山寄賤軀昨來飛絮柳今見落錢榆蓬  
鬢添新雪風巾笑老儒三春嫌苦雨無鳥勸提壺

諸蠻多赤足不及沐猴冠轉戰逾三載驅除竟萬難鄉  
園尤隱僻風鶴警新安

徽郡新破

堪笑衝鋒客

謂胡竹坪廣文

來爲

措大官

故關遙不返到處卽林泉人貌年年改蟾光月月圓不  
愁生白髮常願見青天自顧情癡甚爲花乞雨憐

新春初二夜喜見一鉤生從此多雲翳於今繫我情偶  
然逢月早不啻睹昇平未識蛾眉度如何輒論兵  
對影初成草聯吟友過三使君來冀北知己聚江南花  
面愁春雨詩腸起晚蠶清閒多此樂回味有餘甘

和韻

周光燾

廿載風塵客徒勞歲月侵相隨惟匣硯作伴有囊琴南  
國三年夢西湖一片心悶懷無計遣時事歎而今

鄉關何日返清健賴頑軀黃鳥鳴深柳青錢綴古榆名  
詩來好友仙吏仰純儒官署清如水光明比玉壺

對影閒吟草

卷三

古

卻爲謀口食未得學黃冠莫說盤餐健須知稼穡難看  
花欣綉縵對竹說平安感化羣黎性醇良賴好官

滄桑非昔比歸隱憶林泉春去花容減風輕月影圓烽  
烟連楚澤燹火亂江天羈絆他鄉久依人每自憐

道阻歸何去飄蓬歎此生感深遊子意夢繞故鄉情歲  
月如常過萑苻恨未平天心應厭亂惟願罷征兵

韻疊難工穩拈毫思再三笛聲來院北燕語話窗南意  
懶如同鶴情牽卻似蠶此間稱樂土雖苦亦能甘

和韻

尤毓琳

推窗烟霧散惟許月華侵永夜孤燈客三更一曲琴凌  
雲空有志捧日豈無心得意忘言候胸懷自古今

萬丈擎雲樹千年寄鶴軀光華分月桂培植傍星榆駿  
骨君添駟鴻名我愧儒欲尋雲路去何處是蓬壺

交遊多貴顯何必遽彈冠世亂詩書賤人窮際遇難風  
清依太守日遠望長安幸結文章契頭銜近冷官

富豈思金谷封難向酒泉美人千里隔明月十分圓血  
淚風驚木心胸石補天縱無錐立地影瘦也相憐

謝安何日出我亦是蒼生但有澄清志休存隱遁情亂

對影閒吟草

卷二

五

離心易險烽火路難平經畧中原將誰能早罷兵

偷名奉食野雅愛鹿鳴三家本依江左名殊愧斗南形

蹤秋後燕心事雪中蠶日飲廉泉水嘗來淡亦甘

讀評雅和感懷作有感

裘寶善

晚成憐大器錯節見根盤學富千言易家貧百事難時  
艱多蠖屈水涸有龍蟠轉瞬興雷雨雲中變化看

萍水論交雅胸懷迥不同君猶思駿足我正泣途窮羈  
宦灰心冷依人妙手空兩難分進退均是可憐蟲

和韻

尤毓琳

擾攘風塵內誰憐玉一盤知音翻恨晚行路豈忘難雷  
雨空增慨蛟龍屈作蟠興雲勞厚望花似鏡中看  
用舍行藏判胸懷那得同清時羞賤棄廉吏慣貧窮羈  
旅愁孤客高飛薄太空爲儀鴻漸遠小技愧雕蟲

偶感

袁寶善

光陰迅速箭離弦倏忽清和四月天事少詩成嘖韻窄  
心閒書困枕書眠棲身羈宦剛千里回首辭家又六年  
三十年余曾入  
觀便道省親不盡情懷誰與訴呢喃燕語話窗前

和韻

張汝諧

對影閑吟草

卷三

六

風來野外奏薰弦又見黃雲刈麥天事每健忘方覺老  
夜多驚夢不成眠歸帆雁羽曾經月遶枕雞鳴恰一年  
尺素懸懸烽火路觀魚幾次到池前

和韻

尤毓琳

烟消霧散月初弦翹首長空望遠天紅瘦綠肥春乍去  
鐘鳴漏響客驚眠腥涵雨水畱龍氣高踏松雲問鶴年  
更有清風盈兩袖冰心靜對玉壺前

和戴雪溪登懷遠青雲樓原韻

董謙

亂餘王粲又登樓風土依稀憶舊遊寒食落花淮水遠

卞和泣玉楚山愁去年飛絮傷離別今日吟詩喜見投  
聞說平阿烟景好春深同愛雨初收

樓在荆山山下有卞和洞

和韻

裘寶善

攜客當時醉倚樓十年薄宦此遨遊

甲辰予委署荆山攜客曾登此樓已

十年矣

滄桑禹廟難畱迹

塗山有禹王廟恐經兵火難存

日夜淮流不斷

愁舊境重題驚夢醒新詩乍讀襯心投依稀風景猶如  
故多少情懷筆底收

修竹漫成

裘寶善

窗前修竹納清涼去舊生新愛嫩篁細瘦不堪君子杖

對影閑吟草

卷三

七

青蔥誰作女兒箱抽芽穿筍貓頭勁倚壁遮花鳳尾長  
刪卻繁枝千萬个滿盞飛出綠衣郎

和韻

周光燾

修竹成陰夏日涼喜看左右有新篁清風瀟灑侵簾幕  
个影參差幌壁箱靜對此君情共愜不交熱客趣偏長  
階前鳳尾森森翠直節堪誇比部郎

小華兄現任比部正郎

和韻

尤毓琳

玉壺搖影借冰涼愛護刪繁養綠篁瀟灑相逢侯是竹  
平安疊報紙盈箱心虛更怕叢枝密節直新添翠蔭長

位置此君何處好柱題个字比田郎

排悶偶成

裘寶善

征塵擾攘遍寰區幾處滄桑物態殊  
兵火無時傳道路風波不定滿江湖  
三春悶雨愁人淚千里思家倦世途  
惟望殘灰逃劫外私心默禱佛低呼

和韻

周光燾

半生落拓歷塵區堪歎而今世事殊  
欲引清風開北牖偶看明月憶西湖  
陰雲連日增愁態客路何時履坦途  
倘得烽烟銷滅盡昇平到處聽歡呼

對影閉吟草

卷三

六

和韻

尤毓琳

萬頃烟霞宅一區安居卽是聖恩殊  
常思舊雨畱盤谷莫遣愁雲到鏡湖  
風起人心多險浪山連棧道轉平途  
酒中仙客無憂慮醉後猶來天子呼

苦雨偶成

尤毓琳

那堪結伴聯吟日多是消愁遣悶時  
酒醒春從花外去雲濃家向雨中思  
水涵麥浪翻新浪桐長孫枝勝舊枝  
寄語騷壇重檢韻芭蕉聲裏又吟詩

和韻

裘寶善

春夢惇惇愁裏過憂時更慮悞農時盼晴望眼常賒願  
怕雨懸心不敢思風起何曾香麥隴水多偏又灑楊枝  
隔牆喚賣櫻桃熟幽韻聲添大好詩

和韻

周光燾

連朝密灑瀟瀟雨正是家鄉櫻筍時屋上泉鳴驚曉夢  
簷前雲壓動愁思小樓吹笛鶯調舌新竹成竿葉滿枝  
共說清和天氣好如何日日儘催詩

苦雨行

裘寶善

一春夢雨常愁霖好花狼藉難追尋淋漓滴瀝綿未斷  
對影閒吟草

卷三

十九

十日九日霾雲陰不意入夏晴更少銅鉦懶挂朝陽晨  
有時三點並兩點銀河夜洗光星辰那知六鼇更作勢  
推山倒海揚波臣黑雲遠迷紅花塢白雨不見綠楊村  
奔雷掣電動耳目山川變色天地昏恍覩神龍並蛟舞  
隨風酣鬥搖乾坤跋浪千層起平地瓊珠萬斛傾翻盆  
雨師雨師何不仁胡爲不哀此窮民頃刻見水不見土  
從此爲鬼難爲人可憐終年四體勤時時望歲忘艱辛  
一朝敗壞付流水前功盡棄真寒心萬頃麥浪翻銀浪  
千人暗哭聲淚吞誰知到眼不到口儘爲漂麥難嘗新

舉首呼天天不聞何時退水迎朝曦安得巨靈擘岱手  
步虛直上高凌雲撥盡浮烟開天門推倒扶桑捧烏輪  
矚透萬家南阡北陌高低皆均勻方爲大造無私恩

和作

尤毓琳

怪哉雨師何不情頃刻倒挽天河傾翻江倒海勢更猛  
陸地汜濫波濤橫風聲雨聲水聲總一一併入寸心湧  
奔雷掣電排浪來陣陣繼續若接踵蕭齋悚聽依窗櫺  
髣髴乘舟遊洞庭但見烟霧不見日上下四方全晦暝  
遙知麻麥芄芄裏霎時頓長數尺水水湧村搖墨雲立  
對影閣吟草 卷三 三  
蛟龍幾連老屋起我有一語詢蛟龍春初望爾何無從  
胡將過勤贖過懶洪流顛倒年難豐農民力作已辛苦  
血汗點點滴如雨功成大水俄漂流寸衷千鈞猛刺弩  
况復陰霏經數旬風風雨雨常蹙顰胡復軒然大波起  
莫便認地翻白銀回思甘霖始降日喜雨條苦水泛溢  
安得撥霧凌重霄雙手高捧日輪出爲霖豈必無良臣  
初出濟旱原如神忽驚宦海風波頻遂歎世界同沈淪  
縱欲拯濟如魚民狂瀾倒挽知何辰寄言雨師休逡巡  
爾歸豈亦嘗迷津昭昭天公原至仁陰盛陽衰多爾曠

爾歸我便思垂綸藉覓砥柱中流人

閒吟

裴寶善

句欲求工信手刪送青排闥有屏山人當政簡刑清候  
心在詩情畫意間夢遠常迷千里路時危偷取一身閒  
征塵不斷如春雨空向南荆泣百蠻

和韻

董謙

漸覺年來俗慮刪關心惟憶舊青山山陰柳暗花明裏  
淮上風清月白間塵世都知難得了詩懷自笑未嘗閒  
詰朝更擬城南去腰細如今有小蠻

對影閣吟草

卷二

三

和韻

周光燾

囊中得句幾回刪情景依稀憶故山詩境每來青靄外  
鄉愁遠在白雲間人能守拙心常定士不爭名意自閒  
世事於今多反覆未知何日可平蠻

和韻

尤毓琳

修竹當門不用刪幾年風雨住名山想常妙入空虛處  
境似來從廉讓間知己相逢偏恨晚依人無慮轉心閒  
清談幸喜逢詩伯莫學參軍語作蠻

清新詩句豈容刪惟念詩才愧子山縱不吟哦高世上

須雷名姓在人間運思入妙超仍巧押韻能工險更間  
探得驪珠歌一曲生涯何必賦魚蠻

自述

裘寶善

不使閒情暫繞纏靜參妙悟似逃禪事難自信何妨問  
詩怕人知那肯傳亂世由來無地去好心尚可有天憐  
浮生若夢身如寄且聽低昂造物權

和韻

周光燾

近來情緒總牽纏欲撇囂煩學坐禪玩月喜看蟾影淡  
望雲惟盼雁書傳愁觀花色全無賴羞聽蟲名喚可憐  
對影閑吟草

卷三

三

幸得一區成樂土暫時寄跡且從權

長江戰恨歌

裘寶善

太平休養人天和八方帶礪盤山河忽聞跳梁出草寇  
往復起滅如穿梭天子出師命大將三軍爲鶴復爲鵝  
迅雷掩耳皆不及何難奏凱歌鏡歌那知輕敵等兒戲  
不啻一室同操戈愈縱愈驕愈壯胆烟塵四起徒張羅  
桂林一去大展翅從此戰壘愁雲多星馳羽檄盈征途  
笳聲不斷驚長驅瀟湘苦竹泣斑血長沙戰鼓催輓轡  
蹙起洪波岳陽撼洞庭南北翻兩湖氣吞雲夢不可遏

方坡漢水一時無黃鶴樓中醉仙飛玉笛鸚鵡洲前綠  
草皆平蕪烟迷不見北流水星希空有南飛鳥自古雄  
鎮稱利藪一朝棄之如泥塗徒畱夏口麤兵地惜無周  
郎縱火來東吳黃州今已矣赤壁胡爲乎東竄廬山迷  
面目揚帆一路來小孤擎天柱小孤山吳頭楚尾逼天  
關白浪齊搖飛萬檣紅巾亂裹騰百蠻皖城乍到脫手  
得不加一矢真等閒大觀亭下火一炬可憐焦土情難  
堪幾多郡縣救不得含悲忍淚供狼貪春去秋來無化  
謝星移歲轉年三三死生須臾腸寸斷千載令人哀江  
對影閒吟草

卷二

五

南江南之水何悠悠波臣河伯憂人憂滄海桑田一轉  
瞬大千世界輕沙鷗妖氛萬丈垂白練乘風破浪如傳  
籌雷轟帆轉江水滾珊瑚耀火飛星毬二水三山攔不  
住傾城傾國傾石頭雨花台前紛紛瓦亂解孫楚樓邊  
萬姓奔波投鴻毛泰山雜輕重落花流水同沈浮千點  
胭脂化血水六朝金粉消歌喉白門剩枯柳鍾山空荒  
邱遠望金焦露兩點悞颺天地如浮甌綠楊城郭不見  
螢火院甘露寺前劍石無人收報恩塔太白樓千秋古  
跡空淹畱禍水陡翻紅蓼岸恨石誰填白鷺洲吁嗟乎

縱然一旦大戮賊子無餘孽撐天白骨難埋羞青山蜿蜒未斷萬古恨天荒地老不信湖名號莫愁

和作

尤毓琳

江水何蒼茫江雲何暗黃猿啼復鶴唳地老兼天荒沙  
淘巨浪白萬古歎興亡杳茲草寇起小醜妄跳梁科頭  
赤足野獸貪狼肆其毒虐怒我君王命將出師崇廟堂  
河山帶礪同金湯扼要阻險慎攻守自然威武昭鷹揚  
古來多少用兵地豈但赤壁推周郎奈何風鶴偶聞警  
相率遠遁齊驚惶乘勢而前若破竹沿江郡邑無堅牆  
對影閱吟草 卷三 三  
可憐萬姓鮮紅血捲入江水流汪洋下攬金陵與鐵甕  
上自桂林連瀟湘沐猴而冠握長髮夜郎自大何猖狂  
石頭城秦淮水六代陵谷變遷矣千年往事一回頭兵  
戈擾攘竟若此舳舻相望千里來金粉飄零百蠻起殺  
氣高騰雲靄昏烽烟亂滾水波紫黃天蕩廣陵濤怒氣  
翻騰久不已烏衣巷黃鶴樓勝地淹沒自此始孫楚樓  
前燹火熾用兵不復見武子謝公墩上蔓草荒未知謝  
公孰可擬世間若有戡亂才恢復成功可屈指未能負  
險驅敵兵空向江干守戰壘吁嗟乎治亂之理原循環

人自亂離天自閒  
太平日久甲兵起  
陰陽顛倒生凶頑  
敵國外患何代無  
紛爭不必虞  
諸蠻第如荆棘生  
堂廡未知何日方  
全刪痛心驚戰鼓  
悲淚灑江山憂深  
搔首乞青天願世  
銷鋒鏑願士釋弓  
弦生民無流離遷  
徙斯人皆益壽延  
年到治縣延奕襪  
後夢寐常到羲皇  
前雷霆之威不復  
用奸宄縱起何所  
緣吾將泛沙棠之  
棹飲中冷之泉唱  
大江東去俾一言  
出而萬方爭傳

感舊偶成

裘寶善

夜來復夢廣西兵火凋殘不堪入目因作感舊詩以慶生還之可喜而悲往事之堪傷也

對影閒吟草

卷三

三

萬里從戎返故關  
縱非奏凱唱刀環  
封侯未遂男兒願  
捧檄仍歸臣子班  
詩助江山無死句  
魂驚瘴癘得生還  
夜來夢入南天路  
髀肉摩挲淚暗潸

和韻

周光燾

當年曾記唱陽關  
遠道紆回似轉環  
從事桂林林承

簡命理戎荔浦亦趨班

先生先在桂林綜管文案繼在荔浦辦理糧臺旋經霞

絲開觴候正是星軺佩劍還

先生於二年九月返廬正值壽辰時燾亦在廬州舉

別 觴話

屈指於今過兩載  
追思送別淚多潸

接家信漫成

裘寶善

盼斷家書歲月更傳來喜極慮添驚懶開怕應心中想  
半讀懸疑意外情鎖細數行如玉寶平安兩字抵金精  
猶虞片紙言難盡返復多時手自擎

和韻

尤毓琳

人事滄桑幾變更烽烟繚繞壯心驚忽聞珂里平安信  
頓觸琴堂羈旅情金紙輝煌同報捷銀鉤瘦硬楷書精  
從龍俊傑聲華遠捧日才高霄漢擎

思家

裘寶善

門前五柳指曾彈別後園林入夢看忘世久平憂世亂  
對影闕吟草

卷三

天

求官不易去官難清風兩袖何辭苦菽水高堂願勸餐  
空望團圓千里月餘輝可照淚痕乾

和韻

周光燾

一曲思歸絃上彈白雲深處幾回看鄉心久注精神倦  
烽火頻驚道路難夢裏湖山常在目愁來客子每忘餐  
何方排解權相慰悶酒盈尊飲不乾

和韻

尤毓琳

鄉淚頻從暗裏彈愁容轉怕有人看常通別夢談何易  
偶得家書亦甚難士果安貧原亦樂詩雖多味那堪餐

復函憑仗歸鴻寄字寫平安墨未乾

將返里看麥漫成

尤毓琳

一夜長風捲霧稠  
鎌腰新月滿田疇  
衆峯滴綠山迎夏

萬頃翻黃麥已秋  
好友如逢千里面

時聞小華  
同年來信

思家每

在五更頭  
明朝歸詠鄉園去  
檢點桑麻妙句搜

新漲傳聞遍野塘  
料多流水浣詩腸  
債如苦雨三春積

人愛清風兩袖涼  
舉世才誰盈一石  
居家富豈必千倉

良田變作蛟龍窟  
猶恐雲雷爲我忙

和韻

周光燾

對影閣吟草

卷三

七

夏木森森綠意稠  
幾灣新水積平疇  
垂楊影裏看行色

打麥聲中報早秋  
青草含芳迎展齒  
紅榴帶笑出牆頭

君今重返家園路  
到處吟情筆底搜

瀾瀾野水漲池塘  
百感千思繞曲腸  
交久方知情更切

囊空轉覺味清涼  
縱教風冷常盈袖  
卻喜書多積滿倉

暫把愁心拋撇去  
且開懷抱不須忙

獨坐遣興

裘寶善

槐院陰濃綠滿庭  
南柯無夢也忘形  
身經百險生重造

心用千回死亦靈  
吏隱何妨詩偶賦  
官清不在酒常醒

窗前嫩翠篁含籜映竹窺人眼帶青  
羈宦棲身杜若洲偷安藏拙有何求人當入仕開生面  
事到經官壞盡頭艱險時光難逆料桑榆晚景苦淹留  
劫灰滿地何時掃如此蒼生我欲愁

和韻

周光燾

旭日當空照一庭蕭齋寂靜影隨形人逢離亂思鄉里  
詩到清真見性靈事簡身閒愁更積晝長眼倦意難醒  
此中消息憑誰語獨坐看雲遠岫青

頻年作客寄滄洲眼盼家書不易求竹葉成陰遮檻外

對影閣吟草

卷三

三

榴花似火出牆頭晴窗得句吟髭斷靜室焚香篆影留  
且喜偏隅堪托足暫時寬解萬千愁

和韻

尤毓琳

流水澄清曲繞庭長松飛舞老龍形栽培穀種心田活  
引動詞源舌本靈離緒糾纏神漸懶還鄉偶爾夢纔醒  
依人幸喜逢知己眼與家山一例青

昨宵有夢到瀛洲誰謂登瀛不可求萬里風雲生足底  
九天雨露注心頭究同木上魚難得謬說山中豹久留  
惆悵窗前懷在哲詩書那管古今愁

哀王孫小引

裘寶善

王棲聖河間世家子也性孤潔好歌唱四壁蕭然無父母妻子之累子然一身奔走四方時與文人往來皆不以爲厭客有勸其歸者反不以爲可若有待也予哀而憐之作歌以贈

王孫來自古瀛洲蓬萊方丈何須求落落無依走燕市  
江南三載逐淮流合眼放步天地窄去住渾如風飄舟  
英雄失路大抵皆如此安得漂母一飯來淹畱君不見  
蘇秦書十上上國空遨遊又不見伍胥乞吳市吹簫悲  
歌喚爾今激昂發清響慷慨不異齊中謳羯鼓偶搗萬  
花動長笛一聲人倚樓用成句低唱山水曲朗吟洞庭秋

對影閣吟草

卷三

三

斜陽日晚誰問渡孤客傷心何處投難禁此旅恨那不  
起離愁曉風殘月還家夢何必題橋駟馬方回頭愧我  
一官匏繫滯淮泗折桂曾爲香案吏四境風清化雨施  
十年夢幻浮雲志奔走風塵筋力疲人世滄桑傷變異  
淵明不折斗米腰猶念東籬十笏地三徑歸來松菊存  
穉子候門安家食回首思吾少年場一一釣遊猶挂意  
欲歸不得首搔爬君今何不早回車王子大笑言吾志  
自足誇不衫亦不履有笑復有譁來去自如絕少妻孥  
累六根斬斷七情賒踏破紅塵四千里隨風飄蕩如楊

花無事低頭對流水有時高眼看雲霞更無拘牽罔念  
苦名韁利鎖方寸萬感徒交加窮通不問命生死無津  
涯男兒在世貴有四方志天下茫茫到處皆吾家

和作

尤毓琳

人生世上行樂耳富貴浮雲豈足齒遨遊寰區別桑梓  
放浪形骸脫冠履王侯且視等螻蟻身外何暇計妻子  
有時得意詠歌起此心不在世塵裏王孫世居瀛海前  
高情超入雲霞巔放開眼孔看大千九州小奚論幽燕  
忽從冀北思江天迢迢千里一吟鞭蟻城流寓多高賢

對影閣吟草

卷三

三

侯門恥說姻婭聯曾泛米家書畫船杜老屋更營三椽  
春日寄我新詩篇松風水月來瑤編銀鉤鐵畫何精專  
豈將牢騷吟華箋世間原有地行仙惜未親拍洪厓肩  
我今爲客亦有年狂吟數語追詩顛興酣落筆忘迤邐  
酒醉寬懷無拘牽常從象外求真筌又於物內分媿妍  
見君妙句隨垂涎聞君爲人情流連斯文一脈同纏綿  
與君自愛兼自憐吁嗟乎丈夫不虛立人世原欲經綸  
早自計豈期蹉跎不適志徒與揚雄說奇字夜來夢入  
紫霄際天風飄飄入我袂下視四海盡陰翳掃盡亂雲

露新霽又夢破浪巨川濟蓬萊宮闕壯且麗扶桑親手  
取日繫千秋萬歲合一歲勸王孫聽我歌我歌情愜君  
如何世間到處皆風波何如方寸涵天和白髮較比朱  
顏多青山千古難滅磨帝王宮殿生黍禾孔顏樂處猶  
如他縱使詞源挽天河智勇銷兵戈然而世路多網羅  
人心多偏頗何不餐五色霞看五色花吟嘯出桑麻筆  
墨走龍蛇無分地角與天涯直以人家爲我家俾哀我  
之窮者亦轉而謂樂無以加

和集翁四月二十四日閱軍報僧王生擒高唐逆

對影閣吟草

卷三

三

寇李開芳燕趙悉平原韻

裘寶善

海晏傳元旦

元旦收復上海

神威敵膽驚誰收瓜渚寇

瓜洲賊尚未平

重整石頭城

金陵猶未焚毀

賊子雖多穴

賊人善挖地密

僧家更善兵

僧王連

投林凡鳥盡

林鳳翔連鎮被擒

報李浪花清

李開芳以水灌出

北地平安願

直隸山東皆平

南朝生死情

江南烽火未了

三軍開水利

僧王善

五月渡瀘行

閏五月間僧王兵可到廬州

逆靖真修福

皖撫軍福

葵傾共向榮

仰望向軍門

凱歌連日奏宇宙亦垂名

笑館童

裘寶善

先生去也杏花春童子散館多精神狼藉詩書滿几案

色飛眉舞齊鋪陳心花大開一時放翻轉天地如飛輪  
更復成羣混狎弄不學師長學官人滿堂跳躍有餘力  
變換智巧皆天真偶爾畫筆巧塗面梨園子弟班班新  
字作龍蛇缺點畫墨未揮就先烏脣有時折柳當旗纛  
大聲號招排三軍出入無時捉不住神光四射忘辛勤  
我今顧之色暗喜面不帶笑微佯嗔憶昔少時初入學  
四壁不與樊籠分羈束坐困眼厭倦渾如蠶老絲纏身  
惟盼黃昏望日午恨不坑儒書焚秦時逢佳節偶罷課  
形骸放浪騰風雲捕雀攀花更弄蝶滿頭是汗渾身塵

對影閑吟草

卷三

三

廢寢忘餐苦日短一刻價值如千金少壯幾時奈何老  
蕭蕭白髮悲而今往事迴頭一轉瞬不覺五十年光陰  
吾今生孫有四五玉筍羅列堂前勻繞膝多男雜啼笑  
大者離遠小者親伴我逢場看兒戲授書聊夫溫經文  
讀罷歸來戶外喊未曾謀面聲先聞大母愛憐遠迎笑  
高擎掌上如珠珍摩頂拂衣慮寒煖續訊五典同三墳  
作對有情隨意講學詩無律信口常高吟無憂無慮自  
混沌不識不知葛天民似此時光人生能有幾相對忘  
形我猶有童心

去年仗劍欣從戎原期馳驅逢英雄英雄何在途路窮  
依然歸作詩書傭侯門問字多兒童向前執禮何其恭  
書聲朗朗黃堂東日日頭腦爲冬烘萬丈虹百尺松他  
年上與青天通一首歌行歌未終秀雲繚繞飛長空雲  
中龍天際鴻吟嘯飛鳴因長風士人意氣高蒼穹胸懷  
當與斯相同斷金之利欣相逢春風秋月相追從維持  
名教歸我躬包容大度何恢洪雲路萬千重鵬鳥追高  
蹤卓犖觀書同太冲一枝桂影依阿儂

從遊者裘壽松  
周士鴻金維洪

對影閣吟草

卷三

三

周士鵬四人松字秀雲  
鵬年最少小字桂官

取法乎上才得中男兒意氣何

妨崇偏令人笑館中僮嬉遊縱恣情何濃書未出口早  
身動頃刻變幻等春夢上元清明轉瞬送無那端陽又  
食糗吁嗟乎人生少年曾幾時誰當年少非兒嬉性靈  
發越精神隨當時亦不能自持面教以正懲以威返而  
自笑還自思昔年歡笑偕童兒嬉戲之事吾曾爲及今  
對彼撚吟髭回頭往事何能追未能步龍墀未能上鳳  
池茅屋三椽擁臯比儕伍羣兒年已非伊誰個儻多權  
奇鷹揚鴻飛芳名馳指揮所至驅熊羆奮揚威武揚旌

旗釣竿早投渭水湄克敵或但憑局棋國之保傳逢朝  
熙不爲人師爲帝師

午睡

裘寶善

午飯炊餘倦態侵疎簾湘簟寂無音槐陰晝寢南柯夢

梓里安眠北地心

連鎮高唐  
兩鎮皆平

作吏有年堪免俗買書無

處且孤吟

時覓韻  
府不得

醒來茗盃茶烹熟漫飲留香細斟

和韻

尤毓琳

窗櫺涼透竹風侵偶爾鳴琴倦弄音片刻猶通千里夢

一生常抱百年心綠槐夏午清音繞垂柳良辰好鳥吟

對影閑吟草

卷三

三

睡起香醪仍醉飲澆胸雅愛碧筒斟

蕭齋讀詩

裘寶善

讀杜詩

飯顆山前客文章白首誇千秋表詩聖一代詠唐家悲

憤傷蘿月窮愁老浣花干戈書斷絕到處卽天涯

讀蘇詩

士也不得志江湖增宦遊官場遭白眼詩思老黃州絕

俗添僧韻驚人造語道長篇賦赤壁千載想風流

讀陸詩

白髮老顏童騷壇角浙東風流入入畫放浪自稱翁信  
口詩皆妙隨時興不窮青蓮會寵問談笑說吳中  
孝皇時問  
當代誰爲李太白  
者延臣以先生對

讀陶詩

晉代有高士悠悠田里間宦情歸冷淡詩味自清閒把  
酒杯浮菊看雲戶映山天機多活潑到此莫追攀

和韻

尤毓琳

讀杜詩

天寶能詩客由來作聖誇謳吟離亂日眷念帝王家廣  
對影閱吟草  
卷三  
夏千間屋他鄉兩度花窮愁律更細誰與問津涯

卷三

五

讀蘇詩

鬱鬱不平氣雄奇生壯遊魚龍鞭海市簫管卧揚州巴  
峽驚詞險江山造句道浣花堂上客昂首溯源流

讀陸詩

宋朝南渡後名重大江東滅虜憂衰國承家祭乃翁恬  
怡情易適放浪樂無窮關奪松亭得曾聞入夢中

讀陶詩

晴天雲一片涵養胸懷間涉筆皆成趣忘言異等閒高

情畱北牖佳氣繞南山此內多真意悠然未可攀

遣懷

裘寶善

茫茫天道總難知世事於今異昔時減俸偏嫌添飯健  
思親每恨棄官遲悶懷忽忽驚逢節愁緒絲絲細撚髭  
何日樊籠放飛鳥雲山高舉任參差

偶題窗外風竹

裘寶善

清風來一陣窗竹響蕭蕭性直終持節心虛偶折腰多  
情何善舞太瘦不禁搖翠袖誰扶汝天寒自護調

和韻

尤毓琳

對影閒吟草

卷三

美

風來君子竹恍似雨飄蕭左右看垂袖低昂學舞腰窗  
紗迷影瘦簷鐵雜聲搖細響琴三弄幽音韻自調

對影閒吟草卷之三終

對影閣吟草卷四

集翁將欲去館詩以留之

裘寶善

濠梁聚首暫分離幕府重開泗水湄一載年華憐客日  
三更燈火坐談時深情於我多增學得句何人更指疵  
前路茫茫聊任足閣吟對影再題詩

和韻

尤毓琳

雅集無端又遠離亭長亭短水雲湄那堪吟唱同心候  
便是河梁握手時千里相違何忍說六爻皆吉本無疵

集翁  
名謙

他年雙鯉迢迢寄應帶騷人憶我詩

對影閣吟草

卷四

一

妙句吟成當餞離遙揮別淚海天湄最難酌酒臨歧日  
早似停雲憶友時便羽倘能傳韻語吹毛仍望摘瑕疵  
歸裝莫載清風去珠玉囊中萬首詩

和韻

董謙

最怕天涯賦遠離朝同杯酒暮江湄干戈擾擾歸何處  
羈旅茫茫無已時良友多情舍別淚才人佳句絕纖疵  
未經分手相思甚似欠君家尚有詩

喜晤黃翊亭由紹返泗舊雨重聯

裘寶善

當年分手鳳城隈一載相思夢幾回舊雨催歸詞客去

清風吹送故人來重遊又別家千里乍見翻驚瘦兩頰  
依舊窗前端午月蓬門今再爲君開

再留集亭先生

裘寶善

憐君飄泊悵無依歎我誰知薄宦非此日難彈分手淚  
何時再下讀書幃雖能傾蓋逢車笠其奈窺園隔牖扉  
詩集未成休賦恨江郎彩筆望重揮

和韻

尤毓琳

離亭楊柳也依依歡會經年轉眼非縱可重來猶灑淚  
預防早去怕寒幃清貧似我風盈袖惜別留人月入扉  
對影悶吟草

卷四

二

緩緩登程仍戀戀吟鞭雖好莫輕揮

見集翁去館動予歸志

裘寶善

名士難逢歎遇奇故園回首繫吾思豈無結菓收場候  
何日分瓜及代期冷眼看人多聚散熱腸閱世已勞疲  
宦途來往如傳舍幾箇臨行不皺眉

和韻

周光燾

適逢亂世命多奇故國遙遙有所思烽火驚疑勞夢想  
林泉灑落盼歸期官清到處能邀惠吏久從來不免疲  
聚散如萍無一定蒲觴共酌且開眉

時值  
端午

讀對影閱吟草美不勝收因步華翁見贈韻

黃 竣

自古官場豈易居文章經濟出茅廬政同秋水清無似  
句比梅花香有餘壯志未隨流俗轉閱愁都仗咏詩除  
雲箋酬唱無休息傳遞猶如報捷書

端午書懷

裘寶善

十年宦况等尋常又睹靈符憶故鄉半雨半晴消永晝  
無情無緒過端陽榴花照眼窺難熱萱草舒眉憂未忘  
險毒人心比蜂蠆隄防且自飲雄黃

對影閱吟草

卷四

三

和韻

尤毓琳

蒲酒開筵似往常去年此日在家鄉糶包菰葉猶增智  
榴比葵花也向陽晝永情懷偏易倦友良形迹已先忘  
從今鄙吝全消卻千頃澄波喜遇黃

時黃翊亭先生初到館

喜集翁不遽去移住張允師學署 尤毓琳

留別方知信可留吟壇從此少離愁橫渠獨處無聊甚  
添箇騷人伴白頭

西山爽氣送同儔每把堂前旭照酬到底與君多契合

如今也愛住東頭

集翁舊住西廂余居東廂今移學署亦在東邊故云

愛住東廂更向東學署又在余所居之東曰高早見一輪紅涼颿

倘自西方起只恐君仍在下風

冷官况味近何如博士休疑選仲舒此後吟哦多妙句

詩人已近聖人居

和韻

裘寶善

多情騷客愛勾留筆掃千軍破旅愁文戰正酣難退陣而今不唱大刀頭

不信窺園莫與儔張郎彩筆定相酬宵來翦燭西窗下

對影同看兩白頭

對影閣吟草

卷四

四

暫時且在杏園東曰對宮牆萬仞紅縱有米家書畫舫

留人不借石尤風

蕭齊四壁似相如幸接尼山地氣舒明月有情仍對影

閣吟賦罷賦閑居

和韻

張汝諧

雲出無心任去留此中小住亦銷愁古來幾箇巢由輩

何必怱怱學掉頭

久嫌孤陋少朋儔喜近吟壇迭唱酬今日推敲門更近

西頭幾步到東頭

且別華陽就瀾東紛紛桃李笑迎紅安排午榻宜堂北  
枕簟涼招四面風

經年學步總難如何幸窺園來仲舒休慮四焉堂主到

聞虹鄉學  
已選人門牆且作廣川居

鈔詩之餘仍用總裁語戲成六絕 尤毓琳

詩科制勝盡名流到底何人作狀頭莫怪聲華推第一

掄元原是古諸侯

詩句從來有別才今年科第爲君開敲門甄子無他訣

宜雅宜風是妙裁

對影閣吟草

卷四

五

翻新花樣比新礪墨藁流傳見性靈選佛應居千佛上

名經或不愧明經

詩榜開時笑語歡何嘗有淚下孤寒廣文也得登科甲

從此頭銜勝冷官

官小偏多絕妙詞如花楷字更投時義之雋筆邀新賞

笑謝鵝羣到鳳池

分房集句要和衷畢竟顏標異魯公縱使狂歌來李白

一毫關節豈通風

和韻

裘寶善

騷壇報捷也風流此日掄元竟出頭一紙光華真傲倖  
題名應算小封侯

擊鉢催詩七步才榜花填出笑顏開頭銜又換新花樣  
風雅場中有總裁

筆快如刀久發矚羨他手敏更心靈拔才又做搜才客  
不是三年大比經

詩律開科四座歡廣文妙句寫酸寒風流張緒三春柳  
早已垂青到試官

泗學張廣文詩早出名故屢多唱和

小吏投詩措麗詞詞林大考是何時王郎繡虎誇神技

對影閑吟草

卷四

六

驚起龍賓舞墨池

王少府有景陽崗打虎詩甚佳予曾疊和

科律森嚴慎寸衷詩非李杜少明公衡文也要衡人品  
不許關防稍透風

蟻陣 小引

裘寶善

午睡初醒丁簾半捲窗前小立望天末以生雲  
階下闕行看草根之門蟻排來一線陣演長蛇  
聚去千堆樓高百堵爭先恐後棄死忘生何勇  
敢乃爾也予見而憐之先澆之以茗復揮之以  
扇使各自分散亦一時之快也遂借蟻陣以爲  
賦

長夏漫漫烈日烘綠槐樹大濃陰籠此中有國堪入夢  
飯餘睡態情朦朧醒來階前時小立俯視羣蟻齊興戎

往來聚集大交戰布伍依隊排英雄逐慕餘羶罔顧命  
牽斷半死僵沙蟲蓄銳伺隙各吞噬兩軍對壘分吉凶  
蠢爾微末蟲族猶尙氣我見猶憐注目翦雙瞳不異諸  
天觀下界征塵擾攘嗟虛空品茶留餘傾半盞恍如昔  
水偏師攻解圍聊拂輕羅扇又似赤壁來東風飛沙迷  
漫乍昏冥一同收隊齊斂鋒草根小休自尋穴舊路一  
線迢迢通凱歌歸來見天子國恩高厚多優隆微勞必  
錄書露布先期報捷旗飛紅滿朝聞之俱色喜封疆無  
阻車書同內有犯顏臣子敢直諫奏章上達飛九重此  
對影閣吟草

卷四

七

戰徒勞罔獲利勿得欺混蒙神聰不知何來天河水三  
軍倒退一時冲忽又狂風遍地捲賊子潰亂奔西東我  
師幸生逃有命焉用晉爵酬勲庸此乃保全天力非人  
力何得紛紛假冒虛圖功國王覽奏暗自度躊躇展轉  
勞宸衷疆場頃刻多變換安得一一來尋蹤賊去從此  
散而不復聚也算克敵絕妖烽縱有虛妄稍裝點無不  
大度能包容但願止戈偃武總不用吾亦高枕穩睡大  
槐宮吁嗟乎南柯一夢何時醒淹沒多少興亡枯樹中

夜間夢醒忽又憶家戲成

裘寶善

帳望歸期未有期夢魂每每到門楣西堂剩有懷人句  
春草池塘合說詩

家信雖通見面難書中詳細報平安羣孫弱少皆能語  
也說於今好解官

百歲看看六十秋夢中時憶少年遊嬌孫再見應難識  
驚問何來老白頭

腹有詩書不療貧誰憐清白舊儘臣蓮心嚼碎渾無着  
手弄荷珠漾水銀

和韻

董謙

對影閣吟草

卷四

八

自笑遊蹤無定期倏來忽去燕巢楦年年空作歸田夢  
不及先生夢有詩

冀北初平道路難往來惟有夢魂安家人喜問江南事  
應說墳城七載官

從軍曾看洞庭秋人喜征蠻羨壯遊我識公歸如夢醒  
備經危險怕回頭

在家不及在官貧難退無如守土臣笑問宦囊非數計  
淮南淮北水爲銀

和韻

尤毓琳

政簡刑清慰所期琴堂修竹壓檐楣仙心偏與神仙吏  
更有仙才愛唱詩

絃歌雅化果無難已見淮平四境安漫說官清清似水  
水清猶恐不如官

涼徹冰壺五月秋唱酬似共列仙遊勸公不必傷頭白  
他日還當作黑頭

官場最好是能貧兩袖清風對蓋臣  
華翁見贈有句云與君兩袖有清風  
夜話圖成人在鏡月華閃灼燭搖銀  
曾欲繪夜話圖

移寓虹鄉學署奉贈華南允廷兩主人

對影閑吟草

卷四

九

董一謙

惜別仍羈旅移居翦草萊故人鳴鐸處今我咏詩來碧  
樹涼遮日紅榴笑把杯牆東堪避亂感戀更徘徊

東道多賢主真成到處家流連名士社坐嘯冷官衙蝸  
角猶堪隱猪肝忍久賒兵戈何日了吾欲問津涯

和韻

裘寶善

我原瀛海客君本住蓬萊

君家名蓬萊山館

官舍如傳舍移來

豈選來吟風足破暑賞雨自銜杯踏月時相訪徐徐步

屣徊

風流愛張緒猶念善人家東道誰爲主西鄰欲放衙書  
幃今可下官俸昔曾賒同此江湖老迷津未有涯

和韻

尤毓琳

到此多懷舊伊人似老萊胡竹坪廣文告養返里詩翁今乍至博

士訝重來作客家千里留君酒一杯縱云非遠別相送

也低徊

樂共尋顏孔移家卽一家須知高詠客來自長官衙袖

短風同冷詩新興轉賒惟愁難把晤際隔似天涯相去不遠

而往來不便故云

對影閣吟草卷四

十

集翁明日移寓出署初更偶成

尤毓琳

夢未成時漏未沈依然同署證同心今宵莫便恩恩過

明日侯門似海深

和韻

裘寶善

衙鼓聲聲月暗沈千金一刻促離心難分此夜情無盡

豈止汪倫潭水深

和韻

董謙

吟罷良宵月欲沈故人惜別兩關心一牆便厭東西隔

試問交情幾許深

雨中閨吟疊前韻

董謙

宮牆數仞署幽沈  
梅雨清涼洗俗心  
終日外人無一至  
桃源可比此中深

和韻

尤毓琳

雲霧濛濛萬籟沈  
門庭似水契鷗心  
桃源未必誠如此  
酒鼎茶烟比舊深

回看集翁疊前韻

裘寶善

雨後尋師落日沈  
榴花如火耀丹心  
從今避亂逢幽地  
親到桃源看淺深

對影閣吟草

卷四

士

和韻

周光燾

訪友斜陽已半沈  
故人門巷起遐心  
雖然不是爲官冷  
也愛澄清泮水深

評翁惠顧三疊贈韻

董謙

咫尺何如去雁沈  
再三戀別見君心  
那知兩日重相見  
不信侯門祇此深

疊和

尤毓琳

一日何曾音信沈  
三秋猶自繫吾心  
况經三日才相見  
漫說侯門尙不深

十知疊和

裘寶善

咫尺柴門日夕沈  
大開方便快人心  
傍開便門來去甚便  
請君稍舉窺園目  
試看候門深不深

只因和韻

張汝諧

青燈隔院夜沈沈  
此際難拋賓主心  
未唱驪歌詩累牘  
一篇情比一篇深

諸公左顧並疊韻贈詩敬疊前韻

董謙

晚晴魚鳥任飛沈  
人遇相知更愜心  
剛說隱居逢客至  
可知避世不曾深

對影閑吟草

卷四

三

和韻

黃峻

漫言遠別雁書沈  
隔院猶存縈繫心  
有德不孤鄰自訪  
求賢那怕入山深

和翊翁集翁達和韻並以書懷

裘寶善

宦途人不計升沈  
寡過何能每問心  
隨過而安即厚賜  
只因父子受恩深

和翊翁韻即以奉贈

尤毓琳

骨節峻嶒意念沈  
細論文字證虛心  
近來傾蓋逢黃憲  
千頃澄波豈未深

疊韻謝評雅先生贈詩

黃 竣

頻年浪迹等浮沈失學多辜善誘心讀律何曾細詩律  
詞源難以識淵深

翊翁寫詩字多古體且間架別致戲疊前韻

裘寶善

別開生面力鈎沈字畫翻新有古心恍似板橋書咄絕  
哦詩透入八分深

疊韻和集翁七疊前韻

裘寶善

來往花箋門韻沈驚人片語造靈心傳詩不是題紅葉

對影閑吟草

卷四

三

那有宮牆隔院深

原詩有况在宮牆更覺深之句

疊前韻酬華翁和閱居卽事韻

董 謙

玻璃泉水最清沈欲避烽烟久印心憑仗好風吹送力  
湖山惟有此行深

飲罷歸來漏漸沈重看佳句愜予心庭堅作字殊流俗

翊翁書法別致

伯玉知非道力深

華翁詩云窮過何能每問心

疊和前韻

裘寶善

武陵幽僻久銷沈得遇漁郎獨賞心秋水長天槎可問

一帆風送入湖深

集翁託賁肝貽館地

故人門巷晚烟沈，借助他山攻錯心。一字研精金百煉，始知良友益吾深。

閱居卽事

董謙

飛倦遠遲還，僑居消夏灣。清宵思衽席，洪澤借湖山。未雨綢繆計，經秋飲啄閒。逢人勞說項，詩拙有慚顏。託薦儲

和韻

裘寶善

書畫舫無還，隔溪相見灣。依人來泗水，近聖仰尼山。共事論交雅，同居念賦閒。牀頭金未盡，壯士豈無顏。

和韻

周光燾

對影閑吟草

卷四

西

午夢有時還，溪流枕一灣。泉聲來道脈，學前有詩境似

香山。暑冷情偏熱，庭空意自閒。飛符今已去，他日博歡

顏

和韻

尤毓琳

未倦豈知還，鴻飛落雁灣。臨流思大澤，借助仰他山。秋水南華妙，春風一月閒。童謡關治化，華翁有到處聽童謡句壯志

喜開顏

竹醉日送別

尤毓琳

縱說平安也，愴神竹竿戀。舊別愁新此，君愛飲陽關酒。

醉眼朦朧送故人

和韻

裘寶善

此君轉動可勞神望報平安日日新一片熱腸濃似酒  
分杯添箇竹夫人

集翁昨夜移寓學署未及親送詩以慰之

裘寶善

夜行誰送縞仙裙

先生寶眷一同步行

冷落先生似廣文幾日東

牆窺宋玉從今風月要平分

一捲琴書容易安槐衙那及此中寬旁人不解蕭齋冷

對影閱吟草

卷四

五

昨夜新來老教官

魯翁移竹戲成

尤毓琳

周郎顧盼長精神鳳尾迎來問夙因人面蓮花濺水上

催妝又娶竹夫人

和韻

裘寶善

愛竹輕移妙入神曹騰趁醉續前因湘妃也作周公夢

醒後無須問主人

和韻

張汝諧

蕭蕭客館自凝神君子迎來證有因聽罷賓筵淇澳詠

光風霽月想斯人  
少得對客太無因  
飄波再斷浪波城

和韻

周光燾

乘醉移來倍有神  
可宗不失見親因  
從今日盼平安報

藉慰他鄉作客人  
餘韻發前未了因  
不是昔年幽水賦

疊和魯翁今日又移竹原韻

裘寶善

生寒多竹迓湘神  
窗外頻添結淨因  
此日二妃重見面

依然前後兩夫人

疊和

張汝諧

處士重遷倍費神  
初心未遂溯來因  
今逢舊雨兼新雨

對影閑吟草

卷四

六

其上青霄謝主人

疊和

尤毓琳

日日催妝倍爽神  
二妃寵愛證良因  
容顏箇箇湘江水

只恐酸心更有人

魯翁移竹不甚茂  
盛疊前韻

裘寶善

低垂翠袖少丰神  
猶憶從前未了因  
不是渭川臨水地

當窗懶作鏡中人

和韻

黃堉

為寫湘妃卻損神  
必爭優劣太無因  
卿如再滴斑斑淚

從此蕭郎似路人

疊和

張汝諧

靜聽蕭蕭也養神忽然減色卻何因要知根託虛心地  
不比閨花強媚人

魯翁移竹萎敗難生疊前韻

裘寶善

銷魂瘦影也傳神後世今生總是因帶雨湘妃猶灑淚  
誰憐遷徙未亡人

魯翁前後移竹疊前韻

裘寶善

疎竹頻移聚會神陳陳不斷若相因此君見愛虛心久

對影閒吟草

卷四

七

別是風流一種人

魯翁前移之竹並連菊芽與東籬相傍居然青翠

疊前韻

裘寶善

帶雨拖泥竹醉神洗塵洗體水爲因亭亭瘦映陶潛菊  
也到東籬伴隱人

疊和

尤毓琳

恍見名流瀟灑神三生結契豈迷因周蓮陶菊七賢竹  
合作香山九老人

疊和

周光燾

亭亭玉立自怡神久欲虛心結舊因更恐東籬多冷落  
故教君子伴高人

疊和

張汝諧

不羨紉蘭咏洛神不煩蕉夢解緣因東坡之竹淵明菊  
合伴濂溪溪上人

讀史偶感

裘寶善

石中玉沙內金英雄埋沒如常人茫茫青眼幾賞識蕭  
蕭白髮悲風塵衡岳峯洞庭水回首眼前千萬里大千  
世界羅胸中助我江山筆不死白雲萬變圖畫開興酣  
對影閉吟草

卷四

六

妙想天飛來東坡青蓮久不老至今萬古多仙才遺蹤  
莫使後人哀一世之雄安在哉千載勲名貴年少赤壁  
周郎足憑弔老大無成空自悲披裘渭濱幾垂釣君不  
見李廣難封未曾貴灞陵橋邊訶醉尉

和作

尤毓琳

燕王金黃石履英豪磊落自此起從古多少非凡才遇  
合幸與不幸耳項羽劍子房椎壯志卓犖肝膽披男兒  
鬱鬱不得志何以假手名姓垂世情變幻比蒼狗秦關  
百二亦何有祖龍一炬千卷灰遺經或交博士守入關

但收丞相府漢治雜霸果誰咎從來亂世生英雄漢宋  
將相多奇功謬託神仙學辟穀始教穩騎青天龍君不  
見功狗功人多苦辛千古嚴灘存故人

槐葉陰濃被蟲食盡詩以恨之

裘寶善

滿院清陰仰古槐夏蟲無語竟爲災恍如秋樹枯枝老  
不異春蠶食葉來東閣窗明紅日透

東院書房槐陰照  
滿今已全無矣

南柯夢醒綠雲開花黃舉子忙何處幾度臨風屢見猜

大雨如注

裘寶善

又值分龍候爲霖瀉太清雨能攜水立雲欲壓山平掣

對影閣吟草

卷四

十九

電寒生色奔雷遠振聲天容低地暗風力撼心驚倒海  
狂難遏翻盆勢易傾江湖來眼下憂慮皺眉橫夏病哇  
多苦春傷麥早坑茅檐聞雀噪鳩婦也呼晴

和韻

張汝諧

盆翻騎月雨頃刻漲漪清勢欲兼天湧波能起地平灌  
階苔沒迹壓樹鳥無聲瓦瀉千鱗動濤奔萬戶驚撩眸  
頻過閃入耳不停傾牛馬形難辨江湖水易橫龍應霖  
待用魚已釜全阬

北賊被水  
灌全獲

幾度推窗望茅檐可放晴

和韻

尤毓琳

想是中原甲連年洗未清波瀾剛亂起風雨也難平勢  
挾千軍力喧爭萬瓦聲海翻羣水立雷震一方驚紫電  
穿雲閃銀河激浪傾濤頭簷口落泉影砌心橫漲漫魚  
遊隴潮來路作坑烟消紅日上幸喜際庚晴

咏簾

裘寶善

琴堂西畔挂玲瓏萬縷千絲聲氣通風細雨斜沈寂後  
衣香人影有無中青蠅撲去迷雙翅紫燕飛來翦兩瞳  
輕啓詩箋傳遞過依稀好句碧紗籠

小閣低垂若霧橫當門鎖日淡波生織成湘水千條淚  
對影閣吟草

卷四

三

隔斷巫山一片情可礙心神多恍惚似嫌眉語不分明  
宵來最喜玲瓏月好夢思量到五更

畫閣誰家悵別離冰痕縷縷界相思三更夜月微低處  
十里春風乍捲時映戶花容窺面面襲人香氣透絲絲  
妝成猶自當軒坐秋水芙蓉穩護持

犀押銀鉤映玉堂何如疎竹掛瀟湘誰窺東閣春風面  
此是南華秋水莊若有若無空逗影非烟非霧靜生涼  
瞻雲望日朝朝慣不是深居遠避藏

和韻

周光燾

花光掩映碧玲瓏  
簾箔空疎香暗通  
蓮幕勾留書案外  
槐陰隱約畫圖中  
何曾捲入風雲態  
偶爾低迷日月瞳  
書夢初醒天欲晚  
鑑幃深處淡烟籠

瞥見湘紋戶外橫  
清風微透嫩涼生  
落霞飛處紅搖影  
皓月穿來素有情  
翡翠低垂金屋靜  
水晶斜捲玉虹明  
滿階碧草當窗映  
暮雨朝雲色幾更

一簾波影照琴堂  
幽意無人寄楚湘  
縷縷織成丁字水  
絲絲望斷午橋莊  
是空是色烟含霽  
如密如疏雨送涼  
靜對沈吟思底事  
常留名士卜行藏

對影閣吟草

卷四

三

詩酒相酬未可離  
美人隔水繫懷思  
珠光素月縈迴處  
竹影清風歷亂時  
翠羽暗中浮遠吹  
爐香靜裏透遊絲  
防他燕子歸來早  
爲把銀鈎手自持

和韻

尤毓琳

花陰寂寂葉瓏瓏  
瞥眼門闌縷縷通  
疑霧疑烟風定後  
半疏半密月明中  
揚州珠捲南華夢  
湘浦波搖秋水瞳  
每到銀鈎纔下處  
清音髣髴雨聲籠

梨花院裏碧雲橫  
清簾風來爽氣生  
漏月低垂偏露影  
留香不捲最多情  
西山雨霽險全啓  
南國人來水乍明

待到呢喃雙宿後斜穿燈火夜三更

美人別後影迷離臨去秋波繫所思歌舞樓臺春寂候  
鞦韆院落夜沈時當窗瑣碎搖風力隔水玲瓏掛雨絲  
欲捲珠簾頰春戀應勞如玉手輕持

烟雨霏微掛畫堂夢中彷彿到三湘蝦鬚宛爾橫擡水  
蝶影何曾偶隔莊玳瑁筵前風透爽水晶閣土月穿涼  
垂垂銀蒜休輕舉香篆千條賴護藏

窗簾

裘寶善

湘簾高挂對雞缸何用輕紗罩碧窗鎮靜梳風橫眼角

對影闌吟草

卷四

三

含愁望月到眉厖幾時繚繞蛛絲疊不入呢喃燕翦雙  
殘夢五更人又醒疎櫺隱隱射晨釭

窗外花開窗裏窺隔簾豔染鳳仙脂輕風空洞雲陰日  
殘月朦朧夢醒時屋角半垂微雨溼檐牙漫捲夕陽遲  
掀來那怕蚊成市貪看多情燕哺兒

和韻

周光燾

碧鎖花陰浸玉缸湘波隱隱隔吟窗捲來竹影烟容淡  
聽到蕉聲雨意厖蝶夢雞鳴常混一珠明岫遠巧成雙  
夜深最喜流螢繞開卷何須續半釭

琴窗未許等閒窺秋水波紋映石脂明月斜穿高卧處  
清風暗透納涼時蠅鑽故紙飛難進燕舞疏櫺出每遲  
碧影如烟喧鬧處蝦鬚縷縷鬥蜂兒

和韻

尤毓琳

蝦鬚縷縷倒罌缸正值朝來日就窗香氣常留蕉葉大  
紗痕淺暈竹陰厖鳴風瑣碎櫺嫌小漏月玲瓏影印雙  
每到宵深雞唱後水晶簾下剔銀缸

疑霧疑烟窗外窺波涵花似面凝脂每當燕子歸來候  
正是雞談未任時十里揚州排岫遠一泓湘水聚螢遲  
對影閒吟草

卷四

三

簾前倘有東方朔銀蒜低圍牖上兒

管珂生自常州來喜聞其鄰人洪彥先北上彥先

同硯友也一別十餘年矣

尤毓琳

見君髣髴見同儕十載離思一展懷靚面相驚來管樂

拍肩喜得問洪厓蓮因舊雨重依幕

珂生舊依周魯翁

橘有清

香也過淮謝氏芳鄰如在望聞言意念轉無涯

蓬萊宮闕帝王家偶向風塵一轉車忽聽人方遊上國

回頭我亦住京華雲程若箇紅如錦詩句何年碧護紗

喜得逢君同舊識聯吟唱徹長官衙

和韻

裘寶善

管城困守歎吾儕縱有風雲少壯懷幾見來遊堪入暮

曾無去思得磨厓依然童子聯三少

珂生前年於此別訓蒙童子三人

是先生近兩淮至卽如歸同作客茫茫大水莫津涯

到底離家勝在家重來應不載書車幾時高出人頭地

莫使無成老鬢華羨爾依然歸燕壘慚予曾未脫烏紗

雖非官職仍居署夜夜常聽鼓報衙

遣懷

裘寶善

大地何曾窄乾坤莫可依馬煩換懶步鳥倦強低飛不

對影閒吟草

卷四

雷

是成功退誰言去路非暮年悲烈士無語悵斜暉

和韻

周光燾

世態雖多幻螻蟻城可暫依心如流水淨情共白雲飛官

久方知淡刑清自去非仁風揚布處羣仰壽星暉

和韻

張汝諧

悠然存至性動靜得相依舊脈泉諳路新雛燕學飛改

詩如改過知是乃知非

日前拙作蒙改數字敬佩之至

載誦法華什道

遙仰碧暉

和韻

尤毓琳

良驥途忘險長天鳥所依  
懶緣多健步倦始見能飛清  
水同澄澈閱雲少是非夕陽無限好

成句

霞彩散朱暉

一朝三惠顧偶別尚依依  
正欲追鴻漸何云倦鳥飛清

教羣下化

尊紀衣履  
盡樸實

熱止就中非

素畏暑熱

捧日添華彩斯

人共借暉

接友人信知前在粵西同事竟有以觀察用者不

禁有感卽疊深字韻再成二絕 裘寶善

往事多從腦後沈一番觸撥一灰心  
羽毛未滿高飛去

鴻爪徒留冰雪深

對影闕吟草

卷四

重

又值浮瓜竝李沈桂林熱腦損雄心  
當時不少青雲客

空負推恩知遇深

疊和

尤毓琳

衆醉何妨學醉沈拓開意念放平心  
由來遇合皆天意

成事非關智慮深

人海茫茫豈遽沈猛然起舞尙驚心  
驪龍到底明珠貴

探取休嫌大水深

苦雨行

尤毓琳

雷電驚人蛟龍舞天河倒傾海波怒  
馮夷擺駕立水府

軒然大波湧田圃喧逐澎湃若接武連月陸地駕柔櫓  
麥既漂流復漫黍仰天腹枵淚如雨淚如雨雨不止八  
口家三篙水

和作

裘寶善

君不見滹沱之水來千里激浪翻濤雪山起倏忽雷雨  
到眼底海上蛟龍齊至矣人間天上無彼此上下混茫  
雲霧裏風聲雨聲電光紫倒海推山驚震齒禾苗盡爲  
魚鼈毀不欲人生欲人死吁嗟乎天道茫茫人道邇不  
必怨天只怨己邇來人心險不平洗盡崎嶇一片水

對影閒吟草

卷四

三

接家信喜小姪入泮

裘寶善

信報平安慰遠情兒曹僥倖也成名拔茅未遂三生願

二三舍弟丁酉選拔朝  
考未終抱病而沒

遊泮初登一步程瑞慶於今承世

榜名

澤德慶箕裘從此振家聲槐花不斷香丹桂側耳秋風

聽鹿鳴

和韻

張汝諧

斯文到處總關情况復一門代著名庠序又添佳子弟  
鷗鵬定莫限雲程公山正禮占聯步玉署金昆早肇聲  
更喜桐孫方矯角驚人日下鳳凰鳴

和韻

周光燾

喜傳竹報快心情  
家有名駒早樹名  
繼發英華榮玉樹  
初翔泮藻步雲程  
生成鳳閣無雙品  
試聽鵬霄第一聲  
轉瞬秋來鷹鶚薦  
高騫指日看飛鳴

和韻

尤毓琳

太守無庸薄宦情  
行看咸籍竝揚名  
巖宮耀日初添慶  
鵬鳥登雲始奮程  
秋桂當頭才露影  
春雷震耳乍聞聲  
棣華上應郎官宿  
共倚梧桐聽鳳鳴

小華同年時爲刑部正郎

苦熱行

裘寶善

對影閣吟草

卷四

三

烈日照窗南火繖  
張城東舉步踏焦土  
披襟來炎風坐  
我屋數椽一室如薰籠  
頭昏汗沾背口渴舌彎  
弓溽暑那可避欲算甘泉宮  
忽報有堂事案牘非一宗  
頂冠更束帶傀儡登場同  
左右雜吏役執臭如火  
攻折獄豈片言况多滑稽雄  
急欲除煩惱怒燥難撓  
鋒揮扇不停手握管判蛇龍  
放衙日未晚退食神昏蒙  
何以解我愠拂絃無絲桐  
飲冰懷玉壺酌酒思荷筍  
聞有玲瓏山石屋中嵌  
通下臨萬丈潭上蔭千株  
松飛泉瀉寒碧濺珠作  
簾櫳舉瓢酌石髓高踏千  
青峯清風坐長嘯手把金芙

磬敲棋招良友調冰呼奚僮時攜冰雪文妙句皆天工  
洗我心脾爽開我心懷空何須五斗米偃僂諧寅恭繁  
華春夢婆印迹如飛鴻志灰念愈冷不受雲霞烘勇退  
遠俗塵古書堪澆胸冠蓋縱絢赫淡然亡是公心靜自  
清涼那繞塵飛紅拔劍斫地起跳出名場中

寄懷裘小華同年

時爲山西司  
刑部正郎

尤毓琳

千里迢迢悵別離六年刻刻繫懷思回頭細數春明路  
猶似高軒過我時

郎官上應列星垂想見朝天布政時三晉河山瀛海月

對影閱吟草

卷四

三

光華合抱白雲司

從龍常得侍鑾輿正是君王寵重餘天上人間遙盼望  
不知天上果何如

忠臣孝子集榮昌德惠旁流聖澤長君上推恩宏錫類  
鳳銜丹詔下黃堂

金華殿上願追陪忽判雲霄與草萊禮佛當年曾抱腳  
未知何日似如來

虎卧龍跳筆一枝頻年染翰憶羲之料知品到仙禽日  
定是鵝經寄我時

前求書  
未獲

誼結同年又主賓三生契合證前因賢郎他日爲師傅  
我是傳經師傅人

告慰無憑愧報來冷宮欲就尙徘徊前就教職通家喜得瞻

華彩親見堂同畫錦開

聞雞猶覺壯心驚何日雍熙際太平近倚侯門貧亦貴

袖中風比長宮清

文運於今啓夏邱時承乏夏邱書院山林亦愛詠歌儔千間廣

廈吾何有寒士全依白傅裘華南年伯加意培植書院

華胄多君嗣大名參天橋梓倚雲程洛陽漫說多裘蓋

對影朗吟草

卷四

三

冀北江南共此情

天涯惆悵幾多時無限離懷數首詩日日彈冠君見否

鵬搏萬里寄遐思

讀評雅先生寄懷小兒七絕十二首戲酬四絕

裘寶善

敬謝先生主善師兒曹蒙惠寄懷詩河魚天雁多消息

莫負相思十二時

風流儒雅愛賢師猶感關情遇合詩千里相思傳妙句

闌干十二數多時

未得趨庭先拜師，嬌孫弱少也吟詩。縱然孺子真堪教，難及甘羅十二時。

點睛一字是吾師，好句多多數卷詩。載得家鄉傳子弟，亭臺十二憶歸時。

和韻

尤毓琳

國器他年傳與師，相思千里寄新詩。仙人縹緲棲何處，

十二樓頭仰望時。

俊傑堪爲王者師，藝林七步共成詩。同心同調同科第，

十二年間拔萃時。

對影闌吟草

卷四

三

愧作侯門一字師，稱名本愛鹿鳴詩。款冬也欲爭春色，

十二街中已遍時。

竹豈如心也作師，迢迢千里數行詩。寄懷雅合前人句，

一日思君十二時。

昨讀評雅寄懷小兒詩，遂動我思兒之感。

裘寶善

一卷新詩寄好音，多情銜感故人心。無端又觸思兒念，

轉恐思親念更深。

從來至樂在天倫，不意今爲南北人。廊廟江湖分宦轍，

輕離父子重君臣

幾度思量入夢魂多男繞膝想迎門醒來一院篔簹影  
日望平安報竹孫

逢人去汝嘆猶吾飄泊淮南洪澤湖近日相思盈泗水

滿城長遍淡芭菰

菰一名相思草城內人家隙地皆種之

集翁用白紙當詩箋詩以戲之青尤毓嶙

五鳳添修著妙裁剛逢詩榜爲君開緣何十樣蠻箋句

一紙人情送秀才

片紙冰涼自翦裁欲題豔語轉疑猜薜濤熟悉夫人性

對影閉吟草

卷四

三

祇恐酸心總不來

消夏閉吟

裘寶善

避暑清心俗慮蠲不求修佛不求仙句遲汗透常沾背

興到神凝自聳肩數典無頭人錯記貪書蘸水墨忘研

聊拋案牘消長夏且把吟詩當坐禪

夏午薰蒸似火炎貪吟懶睡韻重拈心因過用眉多縐

書爲常翻面損籤磨墨水枯茶借蘸抄詩紙笨筆無尖

當窗熱透烏皮几隱久橫肱汗自黏

和韻

周光燾

薰風拂處覺塵蠲半是詩仙半酒仙興到揮毫隨我意  
詩成叉手拍吟肩疏簾偶掛波同捲妙句將來墨共研  
鎮日騷壇傳韻事滌除煩慮獨超禪

不學趨炎學避炎  
吟得句綵毫拈筆花影落潘江水  
書葉聲敲鄰架籤  
三峽流泉奔腕底  
一鉤淡月上眉尖  
佳詩須把紗籠護  
怕有蟲魚密處黏

和韻

尤毓琳

妙句狂吟暑氣蠲  
雨餘髮髯泛槎仙  
筆頭濶似人多汗  
詩體雄如虎露肩  
高樹迎風看鳥立  
濃雲滴墨倩龍研  
對影閣吟草  
卷四

三

書聲更觸冬烘腦  
竟日難參睡穩禪  
攤經秦火不曾炎  
秃筆常因得句拈  
字裏精神來手腕  
腹中書卷少牙籤  
簾擡秋水縈波膩  
雲擁奇峯倒影尖  
便擬乘舟荷浦去  
明珠萬斛少泥黏

槐葉前被蟲食今又青翠矣

尤毓琳

午陰依舊引清風  
回首從前迥不同  
大抵三槐猶未遇  
也同小技誚雕蟲

森森夏木影蒼蒼  
食葉蠶聲已漸忘  
華翁蟲食槐葉句  
不異春蠶食葉  
來  
始悟蟲書無用日  
世間方有大文章

秋樹同形共賦詩華翁又有恍如秋樹枯枝老之句記會零落悵枯枝

誰知又作南柯夢仍是繁華似往時

三間書屋罩清陰歷遍榮枯感慨深寄語槐忙諸舉子

莫因艱苦便灰心

漫將憔悴薄疏槐曾見青天萬里開想是詩書多遠蔭

綠雲飛去又飛來

蚍蜉撼樹樹青蔥反受千秋厚蔭籠又見成林添遠勢

翻將勞苦笑微蟲

和韻

裘寶善

對影因吟草

卷四

三

蟬聲又送綠槐風幾日清陰一樣同安國中興參造化

慶生可有叩頭蟲

迴綠庭槐欠老蒼夏蟲退食早相忘一場大夢同蕉葉

醒後重開雲漢章

又作吟蟲題葉詩樹猶如此換新枝花黃不悞秋風客

依舊人忙似昔時

槐衙夾道復重陰也似滄桑閱世深任爾摧殘吞蝕盡

依然不改後彫心

落葉無須仰古槐國王壽域又重開想因待底多寒士

翠蓋高擎又送來  
佳哉鬱鬱復蔥蔥老幹擎雲翳翠籠變化何嘗生意盡  
今番氣死可憐蟲

和韻

張汝諧

北窗鼓腳正迎風綠轉槐陰葉葉同卓午清疑冰在抱  
前愆應不語微蟲  
剝餘而復本穹蒼物我無心兩自忘試看南柯回蟻夢  
依然疊翠聳千章

嚶嚶回憶草蟲詩今復槐階咏茁枝我亦年來愁鬢白  
對影悶吟草

卷四

三

可能如樹再青時

一層葉襯一枝陰空費蝨蠟入木深要識題詩公愛樹  
還輸菱舍愛公心

燕臺手植有三槐泗上重逢翠蓋開幾日蝨蟲除卻盡  
熙豐有象自天來

雲容未改舊青蔥好似詩牆紗更籠從此納涼添午韻  
高風直使愧雕蟲

和王棲巒夏邱書院放歌

裘寶善

夏邱文氣騰長虹及期考課來生童請試他題各稱雄

幾許妙手皆空空兔園冊子攜無窮關防漏洩多春風

一題到手聲氣通墨魁窗稿非一宗鈔襲分別不雷同

自誇錦繡羅心胸那知眼翦秋水瞳肺肝如見難欺蒙

如此伎倆思爭功何怪小子鳴鼓攻我曾折桂來蟾宮

望君破壁騰飛龍泮水閣殿規模崇

聖廟修整

重開絳帳求

名公命題斟酌由深衷衡文玉尺裁量工敵詩大雅貴

雍容判筆字畫求中鋒搜羅殆盡心未慵恐有遺才爨

下焦枯桐我虛恭爾殫聰彼此均是可憐蟲何無小子

超几庸不見秀才號三紅偶列前茅非時中張冠李戴

對影閣吟草 卷四 三

皆遺蹤他山攻錯當反躬漫言小過堪彌縫愛才大度

雖寬洪問心有愧終憂忡會友以文慶朋從從今另唱

大江東

是課詩題關西大漢唱大江東去

和鳳陽保樂齋太守種竹元韻 裘寶善

鳳陽慘遭兵火府署無存莅斯任者權住書院地既狹窄炎天如焚樂齋先生滿地種竹騷人雅致拈管題詩多有和者

我曾愛竹未培加空有胸中瘦影斜

前年會權鳳篆亦住書院門徑蕭條

罕見人迹回首臣門如罷市虛心君子又成家移來鳳友雲

全護篩碎蟾光月半遮日日平安窗外報清風送響透

輕紗

夜坐

裘寶善

靜坐看書眼覺清  
夜深假寐玉山傾  
雞聲唱夢醒千里  
燈影淡人孤  
五更小閣生風微  
料峭流雲吐  
月半昏明  
蒲牢猛吼知何處  
擊破塵心有遠情

和韻

周光燾

懷抱冰壺澈底清  
夜來心緒向誰傾  
俗塵不淨懶看月  
鄉夢未成愁聽更  
燭穗亂搖斜有暈  
星光微掩暗生明  
深宵靜坐無聊賴  
且賦新詩寫客情

對影閒吟直

卷四

三六

和韻

尤毓琳

夜靜雲開天宇清  
消愁不藉酒杯傾  
樹聲風湧水攙漏  
柝響月塵蟾  
瞰更歸夢心飛千嶂  
透長宵人坐一燈明  
忽聞羽客窗前語  
伴我深知鶴性情

對影閒吟草卷之四終

